



## Ndugu wa Wenye Dhambi na Watakatifu

**K**ila apendaye amezaliwa na Mungu, naye anamjua Mungu. —1 Yohana 4:7.

Bwana Yesu alisema, katika wote wanaoteseke kwa ajili ya jina Langu, mnapaswa kunitambua Mimi. Kama ambavyo mngenihudumia mimi, vivyo hivyo mnapaswa kuwahudumia wao. Huu ni uthibitisho kwamba ninyi ni wanafunzi Wangu.

Wote waliozaliwa katika familia ya mbinguni ni ndugu wa Bwana wetu kwa namna ya pekee. Upendo wa Kristo unawaunganisha wanafamilia Wake, na popote upendo huo unapodhihirishwa, uhusiano wa kiungu unafunuliwa. “Kila apendaye amezaliwa na Mungu, naye anamjua Mungu” (1 Yohana 4:7).

Wale ambao Kristo anawapongeza katika hukumu wanaweza kuwa hawakujua sana teolojia, lakini wamekuwa wakipenda kanuni Zake. Kupitia kwa ushawishi wa Roho Mtakatifu, wamekuwa baraka kwa wale walio karibu nao. Hata miongoni mwa watu wa mataifa ambao hawamjui Mungu, wapo wale ambao wamedumisha roho ya wema; kabla maneno ya uzima hayajawafikia masikioni mwao, wamekuwa marafiki wa wamisionari, hata kuwahudumia kiasi cha kuhatarisha maisha yao wenyewe. Miongoni mwa mataifa wapo wale wanaomwabudu Mungu bila kujua hasa, ambao kamwe hawajaletewa nuru kupitia kwa uwakala wa kibinadamu, licha ya hivyo hawataangamia. Ingawa hawajui sheria ya Mungu iliyoandikwa, wameisikia sauti. Yake ikinena nao kupitia katika asili, na wamefanya mambo ambayo sheria inahitaji. Matendo yao ni ushahidi kwamba Roho Mtakatifu amegusa mioyo yao, na wanatambuliwa kuwa watoto wa Mungu.

Jinsi gani watazidi kushangazwa na kufurahi wale wanyenyekevu miongoni mwa mataifa, na miongoni mwa wale wasiomjua Mungu, kusikia kutoka midomo ya Mwokozi, “Kadiri mlivyomtendea mmojawapo wa hao ndugu zangu walio wadogo, mlinitendea mimi”! Jinsi gani moyo wa Upendo usio na mwisho utakavyofurahi wakati wafuasi Wake watakapoangalia juu kwa mshangao na furaha kwa maneno Yake yenye kibali!

Lakini upendo wa Kristo haufungwi kwa kundi fulani tu. Anajihusisha na kila mtoto wa binadamu. Ili tuweze kuwa wanafamilia wa mbinguni, alikubali kuwa mwanafamilia wa familia ya kidunia. Yeye ni Mwana wa Adamu, na hivyo ndugu kwa kila mwana na binti wa Adamu. Wafuasi Wake hawapaswi kujiona wakiwa wamejitenga na dunia inayopotea inayowazunguka. Wao ni sehemu ya mtandao mkubwa wa ubinadamu; na Mbingu inawaona kama ndugu kwa wenye dhambi na pia kwa watakatifu. Walioanguka, waliokosea, na wenye dhambi, upendo, wa Kristo unawakumbatia; na kila tendo la huruma linalofanywa kuinua nafsi iliyojikwaa, kila kitendo cha rehema, kinakubaliwa kama kilichotendwa Kwake (Desire of Ages, 638).